

ԱՄԵՆԱՄՅԱՆ ՀԱՇՎԵՏՎՈՒԹՅՈՒՆ

ԳԻՈՐԳԻ ՄԱՐԳՎԵԼԱՇՎԻԼԻ. «ԱԶԱՏՈՒԹՅԱՆ ՀԱՄԱՐ ԴԱՅՔԱՐԸ ՇԱՐՈՒՆԱԿՎՈՒՄ Է»

(Սկիզբը՝ 1-ին էջում)

ՎՐԱՍՏԱՆԸ ԿՇԱՐՈՒՆԱԿԻ ՆԱՏՕ-ԻՆ
ԻՆՏԵՐՎԵՆՈՒ ՈՒՂԵՐԴԵՐԸ

«Վրաստանը կշարունակի ՆԱՏՕ-ին անդամակցելուն ուղղված ջանքերը»,- իր ելույթում ասաց Գիորգի Մարգվելաշվիլին եւ շարունակեց.

-Վրաստանի անվտանգության գերակայությունը ՆԱՏՕ-ին ինտեգրվելն է եւ դաշինքին անդամակցելը, մենք կշարունակենք ջանքերն այդ ուղղությամբ,- ասաց Մարգվելաշվիլին:- Մենք ՆԱՏՕ-ին ինտեգրվելու ճանապարհին աշխատում ենք ոչ միայն քաղաքականապես, այլեւ դաշինքի չափորոշիչների հիման վրա երկրի անվտանգության ամրապնդման առումով:

ՎՐԱՍՏԱՆԸ ԵՎՐՈՊԱՅԻ ԼԻԱՐԺԵՔ ԱՆՊԱՍՏ Է

- Վրաստանը Եվրոպայի լիարժեք անդամն է, այլ ոչ թե հյուր՝ եվրոպական ընտանիքում,- իր ելույթում ընդգծեց Վրաստանի նախագահը:

- Մեր պատմական ընտրության հիման վրա ես 2016 թվականը հայտարարել եմ եվրոպական պետության տարի, որը հանդիսանում է նախորդ սերունդների պայքարի շարունակությունը: Հենց այդ նպատակն էր իր առջեւ դրել (նախկին վարչապետ) Զուրաբ ժվանիան, երբ ասել էր. «Ես վրացի եմ, նշանակում է՝ ես եվրոպացի եմ: Ես Վրաստանը եվրոպական ընտանիքում տեսնում եմ ոչ թե որպես հյուր, այլ որպես այդ միավորման լիիրավ անդամ»:

ՌՈՒՍԱՍՏԱՆԸ ԴԵՏԶԵ Է ՀԱՐԳԻ ՎՐԱՍՏԱՆԻ ՏԱՐԱԾՔԱՅԻՆ
ԱՄԲՈՂՋԱԿԱՆՈՒԹՅՈՒՆ ՈՒ ՇԱՀԵՐԸ

Վրաստանի նախագահ Գիորգի Մարգվելաշվիլին խորհրդարանում ունեցած իր ամենամյա ելույթում, անդրադառնալով Ռուսաստանի հետ հարաբերությունների հարցին, հայտարարեց, որ Վրաստանը ձգտում է Ռուսաստանի հետ բարիդրացիական հարաբերություններ ունենալուն:

Ինչպես մյուս բոլոր երկրների, այնպես էլ՝ Ռուսաստանի պարագայում, Վրաստանը ձգտում է հավասարության վրա հենված հարաբերություններին: Միասնական, կայուն, զարգացած ու ժողովրդավարական Վրաստանը Կովկասում կայունության ու բարեկամության հարաբերությունների երաշխիքն է:

Գիորգի Մարգվելաշվիլին հայտարարությամբ, Ռուսաստանը պետք է հարգի Վրաստանի տարածքային ամբողջականությունն ու շահերը. «Որպես պետության ղեկավար՝ ես եւս մեկ անգամ հաստատում եմ Ռուսաստանի հետ բարիդրացիական հարաբերություններին Վրաստանի ձգտմանը, որոնք հենված կլինեն փոխադարձ շահերի, տարածքային ամբողջականության ու հավասարության հարգանքի վրա»,- ընդգծեց նախագահը:

ՎՐԱՍՏԱՆԸ ԴԵՏԶԵ Է ԿՈՂՄՈՐՈՇՎԻ ՏՆՏԵՍԱԿԱՆ
ԱՐԱԳ ԱՃԻ ՈՒՂՈՒԹՅԱՐԸ

Երկրի օրենսդիր մարմնին ուղղված ելույթում Վրաստանի նախագահն ընդգծեց այն մարտահրավերները, որոնք ծառացած են երկրի առջեւ: Նրա խոսքերով, 2015 թվականը բարդ էր ինչպես քաղաքական, այնպես էլ՝ տնտեսական առումով: Տնտեսական աճի գլոբալ դանդաղումը, դոլարի ամրապնդումը, միջեւ պատմական նվա-



զագույնը նավթի գների անկումը, ռուս-թուրքական հարաբերությունների սրման արդյունքում տնտեսական հիմնախնդիրները, Ուկրաինա-Ռուսաստան դիմակայության ֆոնի վրա արժեզրկումը, նախագահի խոսքերով, այն մարտահրավերներն են, որոնք ծագել են ողջ աշխարհի, այդ թվում՝ նաեւ Վրաստանի առջեւ:

Նախագահի հավաստմամբ, Վրաստանի համար բարդ կլինի նաեւ 2016 թվականը: Երկրի տնտեսական զարգացման տեսանկյունից նախագահ Գիորգի Մարգվելաշվիլին առանձնակի ընդգծեց վարչապետի չորս գլխավոր նախաձեռնությունները՝ աշխատատեղերի ստեղծմանը կողմնորոշված բարեփոխումները, կառավարության կողմից որոշումների ընդունման գործընթացում գործարարության ներգրավումը, տարածաշրջանային զարգացման շեշտադրումը եւ տարածաշրջանային ենթակառուցային նախագծերի արագացումը, կրթական համակարգի հիմնարար բարեփոխումը:

ՄԱՏՋԵԼԻ ԵՎ ՈՐԱԿԱՆ ԱՌՈՂՋԱՊԱՇՏՈՒԹՅԱՆ
ՔԱՐԱՔԱԿԱՆՈՒԹՅՈՒՆ ԴԵՏԶԵ Է ՇԱՐՈՒՆԱԿՎԻ

Վրաստանի նախագահ Գիորգի Մարգվելաշվիլին երկրի խորհրդարանում իր ամենամյա ելույթում հայտարարեց, որ, չնայած բարդություններին, պետությունը պետք է շարունակի ու զարգացնի որակյալ եւ մատչելի առողջապահության քաղաքականությունը՝ դրանով իսկ պաշտպանելով ամենակարեւորը՝ իր քաղաքացիների կյանքը: Նախագահի խոսքերով, առողջապահության ոլորտում իրականացվելիք բարեփոխումների գլխավոր նպատակը երկրի քաղաքացիների կյանքի պայմանների դյուրացումն է: «Մենք առավել ակտիվորեն ենք օգտագործելու բյուջետային մի-

ջոցները, այդ թվում՝ նաեւ սոցիալական քաղաքականության դիֆերենցման ուղիով»,- հայտարարեց նախագահը:

ԻՐԱՎԱԿԱՆ ԲԱՐԵՓՈՒՄՆԵՐԸ ԴԵՏԶԵ Է ՇԱՐՈՒՆԱԿԵՆ

Երկրի խորհրդարանին ուղղված իր ամենամյա ելույթում Վրաստանի նախագահն անբավարար համարեց այն օրենքը, որը սահմանում է գլխավոր դատախազի ընտրության մոդ կարգը, եւ հայտարարեց, որ դատախազության համակարգային բարեփոխումն անհրաժեշտություն է: «Այդ տեսանկյունից նպատակահարմար կլինի դատախազական խորհրդին լիազորել՝ մասնակցելու գլխավոր դատախազի նշանակման կամ պաշտոնաթողության գործընթացին: Միաժամանակ, խորհուրդը պետք է ուժեղացվի քաղաքացիական հասարակության եւ գիտնական իրավագետների կողմից»,- նշեց նախագահը:

Գիորգի Մարգվելաշվիլին անդրադարձավ նաեւ դատարանների թեմային՝ նշելով, որ նախագահական իր լիազորությունները կօգտագործի դատարանների ամրապնդման համար: «Իմ կողմից անցկացվող կադրային քաղաքականությունը հիմնված է ընտրվող դատավորների մասնագիտական հեղինակության եւ մաքրության վրա: Նման մոտեցում ապագայում կլինի նաեւ գերագույն եւ Սահմանադրական դատարանների հարցով»,- հայտարարեց նախագահը եւ հավելեց, որ, ցավոք, դատական իշխանության համալրման կապակցությամբ հասարակությունում հնչում է արդարադատի քննադատություն:

ԱՄԵՆԱԿԱՐԵՎՈՐ ՄԱՐՏԱՀԱՐԱՎԵՐ ԽՈՐՀՐԱՐԱՆԱԿԱՆ
ԸՆՏՐՈՒԹՅՈՒՆՆԵՐՆ ԵՆ

Վրաստանի նախագահ Գիորգի Մարգվելաշվիլին հայտարարեց, որ 2012 թվականից հետո երկրում իրավիճակը կարգավորվեց, թեպետ միտումները հարկ է խորացնել:

Գիորգի Մարգվելաշվիլին նպատակահարմար է գտնում ընտրական բարեփոխումներն իրականացնել մինչեւ 2016 թվականի ընտրությունները: «Անցյալ տարի վրացական քաղաքական ողջ սպեկտրը, ինչպես խորհրդարանական, այնպես էլ՝ ոչ խորհրդարանական ուժերը, ոչ կառավարական կազմակերպությունները միավորվեցին քաղաքական ընդհանուր միտման շուրջ, որը նախատեսում է մեծամասնական համակարգի փոփոխում, առավել արդարացի համամասնական համակարգով: Դա իր հաստատումը գտավ նաեւ հասարակության կողմից, ինչը վավերացրեց օրենսդրական նախաձեռնության օգտին տրված 240 հազար ստորագրությամբ: Տարածայնությունը միայն նորամուծության ներդրման ժամկետներում է՝ 2016, թե՛ 2020: Մենք կրկին կոչ ենք անում քաղաքական սպեկտրին փոփոխություններն իրականացնել 2016 թվականի ընտրությունների համար: Դա համարում ենք հնարավոր ու իրատեսական: Ընդսմին, պետք է մոռանալ, որ ընտրություններ են անցկացվելու նաեւ 2017, ինչպես նաեւ 2018 թվականներին:

ԱՐԶԱԳԱՆՔՈՒՄ ԵՆ ՆԱԽԱԳԱՀԻ ԱՄԵՆԱՄՅԱՆ ԵԼՈՒՅԹԻՆ

«ՆԱԽԱԳԱՀԸ ԻՐ ԵԼՈՒՅԹՈՒՄ ՆՇԱՆԱԿԱՆ ԵՆՇԵՍԱԳՐՈՒՄՆԵՐ ԱՐԵՃ»



Վրաստանի վարչապետ Գիորգի Կվիրիկաշվիլին, անդրադառնալով երկրի խորհրդարանում Վրաստանի նախագահի ելույթին, նշեց, որ այն «բավականին հետաքրքիր» էր: Նրա խոսքերով, նախագահը նշանակալի շեշտադրումներ արեց: Վարչապետը գոհունակություն հայտնեց այն կապակցությամբ, որ նա-

խագահը համամիտ է կառավարության բարեփոխումների չորս կետից բաղկացած ծրագրին: «Ողջունում եմ այդ հարցով կարծիքների համընկնումը: Ընդհանրապես, հարկ է ասել, որ Վրաստանում ինստիտուցիոնալ ժողովրդավարության շինարարության համար կարեւոր նշանակություն ունի սահմանադրական գործընթացը: Բնականաբար, ներդրողներին եւ միջազգային գործընկերներին պետք է Վրաստանը պատշաճորեն ներկայացնել: Կրկնում եմ, որքան կարգավորված լինի այդ գործընթացը, այնքան լավ կլինի Վրաստանի ինչպես արտաքին, այնպես էլ՝ ներքին վարկանիշի համար»,- հայտարարեց Գիորգի Կվիրիկաշվիլին:

Վրաստանի խորհրդարանի նախագահ Դավիթ Ուսուփաշվիլին դրական գնահատական տվեց նախագահի ելույթին եւ հայ-

տարարեց, որ վերջին մեկ ամսվա ընթացքում խորհրդարանում ելույթ են ունեցել ինչպես վարչապետը, այնպես էլ՝ նախագահը, եւ երկու ելույթներում էլ ընդգծվեցին միանման միտումներ: «Բավականությամբ ցանկանում եմ նշել, որ մենք տեսանք միանման միասնական դիրքորոշումներ եւ հայացքներ երկրի զարգացման, երկարաժամկետ ռազմավարության մոտակա առաջնահերթությունների կապակցությամբ: Դա ուրախացնող հանգամանք է, քանի որ երկրի սահմանադրական տարբեր մարմինները, ինստիտուտներն արտահայտում են միասնական պետական դիրքորոշումներ»,- հայտարարեց Ուսուփաշվիլին:

Իրավական ոլորտում իրականացվելիք բարեփոխումների հարցով, գործադիր իշխանության եւ նախագահի դիրքորոշումների համընկնումը ողջունեց նաեւ Վրաստանի արդարադատության նախարար Թեա Ծուլուկիանին: «Ուրախ եմ, որ դատական բարեփոխումների ամիրաժեշտության հարցում կառավարության եւ նախագահի կարծիքը համընկնում է, թեպետ դա բավարար չէ: Ինչպես նշեց նախագահը, բարեփոխմանը գլխավոր սուբյեկտը պետք է լինի արդարադատության Գերագույն խորհուրդը, որն առավել ակտիվ է գործելու: Արդարադատության Գերագույն խորհուրդը եւ խորհրդի անդամները պետք է միավորվեն դատարանի առողջացման հարցում»,- հայտարարեց Ծուլուկիանին:




ԳՈԳԻ ԹՈՓԱՅԵԻ ՄԵՂԱԳՐԱՆՔՆԵՐԸ
ԲՈՂՈՔԻ ԱՆԻՔ ԲԱՐՁՐԱՅՐԻՆ

Փետրվարի 3-ին, Վրաստանի խորհրդարանում նախագահի ամենամյա ելույթից հետո, սահմանված կարգի համաձայն, հակիրճ խոսքով ելույթ ունեցան օրենսդիր մարմնի մեծամասնության եւ փոքրամասնության ներկայացուցիչները, խմբակցությունների ղեկավարները: Ելույթ ունեցողները իրենց դիրքորոշումները հայտնեցին նախագահի ելույթի առթիվ՝ ներկայացնելով առանձին դիտողություններ եւ առաջարկություններ: Ընդհանուր հոսքից որոշակիորեն տարբերվեց խորհրդարանի «Արդյունաբերողներ» խմբակցության ղեկավար, «Վրացական երազանք» կառավարող կուլիցիայի ներկայացուցիչ Գոգի ԹոփաՅեի ելույթը: ԹոփաՅեն իր խոսքում նախագահին մեղադրեց անշնորհակալության, իր նախընտանական խոստումներից հրաժարվելու, ընդհանրապես վրաց ազգի արժանապատվության նսեմացման մեջ:

ԹոփաՅեի ելույթը լուրջ տարածայնությունների պատճառ դարձավ ինչպես կառավարող կուլիցիայի, այնպես էլ՝ հասարակության լայն շրջանակներում:

Ավելին, քաղաքացիների առանձին խմբեր բողոքի ցույցեր անցկացրին՝ պահանջելով, որ պատգամավորը նախագահից ներողություն խնդրի ոչ կառավարական արտահայտվելու, անձնական վիրավորանք հասցնելու համար: ԹոփաՅեի դատապարտմամբ, հանդես եկան նաեւ կառավարող կուլիցիայի առանձին ներկայացուցիչներ:

Հատկանշական է, որ ԹոփաՅեն համառորեն հրաժարվում էր ներողություն խնդրել, թեպետ ի վերջո, նա իր արտահայտությունների համար Գիորգի Մարգվելաշվիլուց ներողություն խնդրեց միայն Բիծինա Իվանիշվիլու կողմից դիտողություն ստանալուց հետո:



ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ



ՄՏՈՐԱԳՐՎԵՑ ՀԱԿԱԿՈՌՈՒՊՑԻՈՆ ՈԱԶՄԱՎԱՐՈՒԹՅԱՆ ՀԱՄԱՁԱՅՆԱԳԻՐ

Հայաստանի վարչապետ Ռոմիկ Աբրահամյանի ներկայությամբ, փետրվարի 5-ին ստորագրվել է համաձայնագիր՝ ՀՀ կառավարության եւ Ամերիկայի Միացյալ Նահանգների Միջազգային զարգացման գործակալության (USAID) միջև 2013 թ. սեպտեմբերի 28-ին կնքված օժանդակության համաձայնագրի ներքո իրականացվող «Օժանդակություն Հայաստանի հակա-կոռուպցիոն ռազմավարության իրականացմանը» ծրագրի վերաբերյալ:

Փաստաթուղթն ստորագրել են ՀՀ կառավարության աշխատակազմի ղեկավար-նախարար Դավիթ Հարությունյանը եւ ԱՄՆ ՄԶԳ հայաստանյան գրասենյակի տնօրեն Քարեն Հիլիարդը: Վերոնշյալ ծրագրի նպատակն է օժանդակություն տրամադրել Հայաստանի կառավարության աշխատակազմին՝ ի կատար ածելու Հայաստանի 2015-2018 թթ. հակակոռուպցիոն ռազմավարությունը:

Ծրագրի ընդհանուր արժեքը կազմում է 806.390 ԱՄՆ դոլար, որից ԱՄՆ ՄԶԳ կողմից ծախսերի փոխհատուցում՝ 749.110 ԱՄՆ դոլար, դրամաշնորհառուի ներդրում՝ 57280 ԱՄՆ դոլար:

Ծրագրի իրականացման համար, անհրաժեշտ գործողություններն ու նախաձեռնությունները կընդգրկեն 2016թ. փետրվարի 5-ից 2017թ. ապրիլի 5-ն ընկած ժամանակահատվածը:

ՀԱՅԱՍՏԱՆԻ ՆԱԽԱԳԱՐԸ ԿՄԱՍՆԱԿՑԻ ՄԻՋՈՒԿԱՅԻՆ ԱՆՎՏԱՆԳՈՒԹՅԱՆ ԳԱԳԱԹԱԺՈՂՈՎԻՆ

ԱՄՆ-ում ՀՀ դեսպան Գրիգոր Հովհաննիսյանը հունվարի 28-ին իր հավատարմագրերը հանձնեց Ամերիկայի Միացյալ Նահանգների նախագահ Բարաք Օբամային:

ԱՄՆ նախագահը շնորհավորեց Գրիգոր Հովհաննիսյանին հավատարմագրման կապակցությամբ եւ համոզմունք հայտնեց, որ նրա փորձառությունները օգտակար կլինեն հայ-ամերիկյան հարաբերությունների ներկա փուլում երկու պետությունների բարեկամությունն է՛լ ավելի խորացնելու եւ ընդլայնելու առումով:

Գրիգոր Հովհաննիսյանը փոխանցեց Հայաստանի նախագահ Սերժ Սարգսյանի ողջույններն ու ջերմ բարեմաղթանքները: Նա նաեւ նշեց, որ Սերժ Սարգսյանը ներկա կգտնվի այս տարի Վաշինգտոնում անցկացվող Միջուկային անվտանգության գագաթաժողովին, ինչի համար Բարաք Օբաման հայտնել է իր երախտագիտությունը՝ միաժամանակ բարձր գնահատելով Հայաստանի հանձնառությունները միջուկային անվտանգության հարցում:

Նրա փոխանցած համոզմունքները, որ Սերժ Սարգսյանը ներկա կգտնվի այս տարի Վաշինգտոնում անցկացվող Միջուկային անվտանգության գագաթաժողովին, ինչի համար Բարաք Օբաման հայտնել է իր երախտագիտությունը՝ միաժամանակ բարձր գնահատելով Հայաստանի հանձնառությունները միջուկային անվտանգության հարցում:



ՏԻԳՐԱՆ ՍԱՐԳՍՅԱՆԸ՝ ԵՎՐԱՄԻԱԿԱՆ ՀԱՆՁՆԱԺՈՂՈՎԻ ՆԱԽԱԳԱՐ

Եվրասիական տնտեսական հանձնաժողովը փետրվարի 1-ից մոր կազմով՝ հանձնաժողովի նախագահ, ՀՀ նախկին վարչապետ Տիգրան Սարգսյանի գլխավորությամբ, սկսել է աշխատանքները:

Կազմի հիմնական խնդիրն է եվրասիական տնտեսական տարածքում ինտեգրացիոն գործընթացների խորացումը: Կոլեգիայի նիստում քննարկվել են առեւտրին եւ անասնաբուժական ու սանիտարական պահանջներին առնչվող մի շարք հարցեր: Նշենք, որ, եվրասիական տնտեսական Բարձրագույն խորհրդի որոշմամբ, այսուհետ այդ ղեկավար մարմնում Մի-

ության յուրաքանչյուր պետություն (Հայաստան, Բելառուս, Ղազախստան, Ղրղզստան, Ռուսաստան) ԵՏՀ կոլեգիայի երեք անդամների (նախարարների) փոխառեն, ներկայացված կլինի երկուսով: Կոլեգիայի անդամների թիվը փետրվարի 1-ից կկազմի 10 մարդ: Ըստ ԵՏՄ մասին պայմանագրի, ԵՏՀ կոլեգիայի լիազորությունների ժամկետը չորս տարի է:

ՔՆՆԱՐԿՎԵՑԻՆ ԵՎՐԱՄԻՈՒԹՅԱՆ ԵՎ ՆԱՏՕ-Ի ՀԵՏ ՀԱՄԱԳՈՐԾԱԿՑՈՒԹՅԱՆ ՀԱՐՑԵՐԸ

Հայաստանի պաշտպանության նախարար Սեյրան Օհանյանը հանդիպում ունեցավ աշխատանքային այցով Հայաստանում գտնվող ՆԱՏՕ-ի Բարեկարգության ամրապնդման ծրագրի փորձագիտական գնահատման (peer review) խմբի անդամների հետ:

Հանդիպման ընթացքում քննարկվել են փորձագիտական գնահատման խմբի այցի արդյունքներն ու հետագա անելիքները: Հայաստանի պաշտպանության նախարարի առաջին տեղակալ Դավիթ Տոնոյանը փետրվարի 4-ին ընդունեց Հայաստանում եվրամիության առաքելության ղեկավար, դեսպան Պյոտր Սվիտալսկուն:

Հանդիպմանը քննարկվեցին եվրամիության կառույցների եւ Հայաստանի պաշտպանության նախարարության

միջեւ համագործակցություն ծավալելու հնարավորությունները: Կողմերը դիտարկել են նաեւ Հայաստանի եւ ԵՄ-ի միջեւ համագործակցության համատեղ առաջնահերթությունների այլ ուղղություններով համագործակցություն նախաձեռնելու նպատակահարմարությունը:



ՀԱՅԱՍՏԱՆՈՒՄ ԶԲԱՂՎԱԾՆԵՐՆ ԱՎԵԼԻ ՇԱՏ ԵՆ, ՔԱՆ ԶԱՇԽԱՏՈՂՆԵՐԸ

Հայաստանում, 2015 թվականի երրորդ եռամսյակի դրությամբ, աշխատանքային ռեսուրսը՝ 15-75 տարեկան անձինք, կազմել են 2,1 միլիոն մարդ:

Հայաստանի ազգային վիճակագրական ծառայության տվյալներով, նրանց 67 տոկոսն աշխատուժն է, այսինքն՝ զբաղված կամ աշխատանք փնտրողները, իսկ 37 տոկոսը՝ մարդիկ, ովքեր աշխատանք չունեն ու չեն էլ փնտրում: Ըստ տվյալների, նախորդ տարվա երրորդ եռամսյակին առկա է եղել 223 հազար 104 գործազուրկ կամ աշխատուժի 16,6 տոկոսը: Այդ ցուցանիշը

նվազել է 9 տոկոսով: Գործազուրկների 56 տոկոսը կանայք են, 44 տոկոսը՝ տղամարդիկ: Գործազուրկների 88 տոկոսը տեղակայված են քաղաքում, 12 տոկոսը՝ գյուղական բնակավայրերում: Գործազուրկների մեջ առաջին հորիզոնականում, որպես կանոն, միջին մասնագիտական կրթություն ունեցողներն են, հետո՝ բարձրագույն կրթություն ունեցողները:

2014-ի տվյալներով, զբաղվածները կազմում են 1 միլիոն 133 հազար մարդ, 2015-ի երրորդ եռամսյակի տվյալներով, 53 տոկոսը կազմում են զբաղվածները: Ինչ վերաբերում է զբաղմունքի տեսակներին, ապա ամենամեծ խումբը՝ 50 տոկոսը, բոլոր տեսակի բանվորական աշխատանք կատարողներն են, ապա բարձր որակավորում ունեցող մասնագետները՝ 15,1 տոկոս, սպասարկման ոլորտի աշխատողները կազմում են մոտ 10 տոկոս, ղեկավար պաշտոններ զբաղեցնողները՝ 6,7 տոկոս:

ՏՆՏԵՍԱԿԱՆ ԱՎՏԻՊՈՒԹՅՈՒՆ ԱՅՆԵԼ Է 3,1 ՏՈՎՈՍՈՎ

Հայաստանի տնտեսական ակտիվության ցուցանիշը 2015 թվականի հունվար-դեկտեմբերին, 2014 թվականի նույն ժամանակահատվածի համեմատ, աճել է 3,1 տոկոսով: Հայաստանի ազգային վիճակագրական ծառայության տվյալներով, անկում են գրանցել առեւտրի շրջանառության եւ արտաքին առեւտրաշրջանառության ոլորտները:

ՊԱՏԻ ԵՍՊԵԼ 72 ՊԱՇՏՈՆԱՍԱՐ ՍԵՂ

Հայաստանի հատուկ քննչական ծառայությունում, 2015 թվականի ընթացքում, քննիչների վարույթում բնական 761 քրեական գործից 356-ը եղել է պաշտոնական եւ կոռուպցիոն բնույթի: Այդ ցուցանիշը 108-ով ավելի է, քան եղել է 2014-ին: Ավարտվել է այս բնույթի 193 քրեական գործ, այդ թվում 31-ը՝ 52 անչի նկատմամբ մեղադրական եզրակացությամբ ուղարկվել է դատարան, իսկ 162 գործի վարույթ կարգվել է: Ինչպես պաշտոնական-կոռուպցիոն բնույթի, այնպես էլ մյուս հանցագործությունների կատարման համար դատի է տրվել 72 պաշտոնատար անձ: Դատի են տրվել ոստիկանության, անչնագրային բաժանմունքների, մաքսային ծառայությունների աշխատակիցներ, քննիչներ, այլք:

ԵՎԱԶԵԼ ԵՆ Օ-4 ՏԱՐԵԿԱՆ ԵՐԵԽԱՆԵՐԻ ՄԱՀՎԱՆ ՂԵՊԵՐԸ

Հայաստանում 2015-ին թվականին արշանագրվել է Օ-1 տարեկան երեխաների մահվան դեպքերի նվազում: Մասնավորապես, 2015-ին գրանցվել է 370 դեպք, 2014-ի 376-ի համեմատ: Հայաստանի Ազգային վիճակագրական ծառայության (ԱՎԾ) տվյալներով, այդ տարիքի երեխաների մահացությունը հիմնականում պայմանավորված է շուրջ ծնական բարդացումներով ու բնածին անկանոնություններով: Բացի այդ, նվազում է արշանագրվել նաեւ Օ-4 տարեկան երեխաների մահվան դեպքերում, 2015-ին արշանագրվել է մանկամահացության 435 դեպք, 2014-ի 445 դեպքի համեմատ: 2015-ին կենդանի ծնվածների թիվը կազմել է 41 հազար 815 մարդ, ինչը 2014 թվականի համեմատ նվազել է 2,8 տոկոսով:

ՆՈՒՅՆԱԿԱՆԱՅԵՄՆ ԶԱՐԲԵՐ՝ ՊԱՏԱՊԱՐՏՅԱՆՆԵՐԻՆ

Հայաստանի արդարադատության նախարարության քրեա-կատարողական ծառայության սուպերակազմի հոգեբանական եւ իրավական աշխատանքների բաժնի եւ ՀՀ ԿԱ ոստիկանության անչնագրային եւ վիզաների վարչության հետ համատեղ իրականացված աշխատանքների արդյունքում, 2015թ. հունվարից առ այսօր, վաղեմի խնդրի հանգուցալուծման արդյունքում, 325 դատապարտյալ ստացել է նույնականացման քարտ: Նույնականացման քարտեր ստացած դատապարտյալներն այսուհետ կարող են օրենսդրությամբ սահմանված կարգով մասնակցել քաղաքացիա-իրավական գործադրներին, մասնավորապես, կնքել աշխատանքային պայմանագիր, չեւակերպել տարիքային եւ հաշմանդամության կենսաթոշակ, գրանցել ամուսնություն, տրամադրել լիազորագրեր, համաձայնագրեր եւ այլն: Ներկա դրությամբ, նույնականացման քարտեր ստանալու խնդրանքով, քրեա-կատարողական ծառայությանն է դիմել եւս 74 դատապարտյալ: Գործընթացը շարունակվում է:

ԵԿԵՂԵՑԱԿԱՆ

ՓԵՏՐՎԱՐ



երկար պահքին:

8.02.2016. Մեծ Պահք

Այս տարի փետրվարի 8-ից սկսվում է Մեծ Պահքի շրջանը: Պահքի շրջանում օգտագործում են բացառապես բուսական ծագում ունեցող սննդամթերքներ:

Պահքի ընթացքում հրաժարվում են ոչ միայն որոշակի կերակուրներից, այլև մոլի սովորություններից, շատախոսությունից, ստախոսությունից, հայիտյանքից եւ այլ մեղքերից: Քառասնօրյա պահքին հաջորդում է պահոց եւս մեկշաբաթյա շրջան՝ Ավագ շաբաթը: Այդ է պատճառը, որ քառասնօրյա կոչվող պահքը 48 օր է տևում:

Մեծ Պահքն ունի յոթ կիրակի, յոթ հիշարժան օրեր. Բուժ բարեկենդան, Արտաքսում, Անառակի, Տնտեսի, Դատավորի, Գալստյան եւ Ծաղկազարդ:

Քառասնօրյա պահքին հաջորդում է պահոց եւս մեկշաբաթյա շրջան՝ Ավագ շաբաթը: Ժողովրդական սովորության համաձայն, Մեծ Պահքի կիսվելու՝ Միջինքի օրը, բաղարջից պահոց գաթա են պատրաստում, որի մեջ մետաղադրան են դնում:

ՏՐԱՆՍՊՈՐՏ

ՃԱՆԱՊԱՐՅՈՒՆ ԲԱՑ Է ԱՆՎԱՇՂՈՒՄՆԵՐՈՎ ԱԿՏՈՄԵՔԵՆԱՆԵՐԻ ՀԱՄԱՐ

Վրաստանի ենթակառուցվածքների նախարարության ճանապարհային դեպարտամենտից հայտնել են, որ փետրվարի 3-ից Ստեփանոս-մինդա-Լարս ավտոճանապարհը շուրջօրյա բաց է բոլոր տեսակի ավտոմեքենաների համար՝ անվաշղթաների կիրառման դեպքում:



Հայաստանի տարածքային կառավարման եւ արտակարգ իրավիճակների նախարարության տեղեկատվությամբ, Հայաստանի տարածքում ավտոճանապարհները հիմնականում անցանելի են: Դժվարանցանելի է Սպիտակ-Խնկոյան ավտոճանապարհը, իսկ Ապա-րան-Ծիլքար ավտոճանապարհին առկա է մերկասառույց:

	1	2		3		4		5		6	7		8
9						10							
11			12	13						14			
		15				16	17		18				
19										20	21		
		22			23	24	25						
	26			27					28				
29						30							
				31	32					33			
34		35					36	37					
				38					39	40		41	
			42	43									
						44	45				46		
47						48							
			49	50				51					
			52	53	54								
			55						56	57			
				58									

ՎՐԱՍՏԱՆ

6 ՓԵՏՐՎԱՐԻ 2016 Թ., № 9 - 10 (16404)

ՃԱՆԱՊԱՐՅՈՒՆ

ԷԼԴԱՐ ՇԵՆԳԵԼԱԻԱՅԻ ԱՍՏՂԸ ԹԲԻԼԻՍԻՈՒՄ

Հունվարի 31-ին Թբիլիսիում, Շոթա Ռուսթավելու անվան կինոթատրոնի առջև, համդիսավորապես բացվեց վրաց ճանաչված կինոռեժիսոր Էլդար Շենգելաիայի աստղը:

Հանդիսության շրջանակներում, անցկացվեց Շենգելաիային նվիրված տոնական երեկո, որի ընթացքում ներկայացվեցին կինոռեժիսորի նկարահանած ֆիլմերը եւ դրվագներ նրա կյանքից ու գործունեությունից:

Վրաց դերասանուհի Նատո Վաչնաձեի ու կինոռեժիսոր Նիկոլոզ Շենգելաիայի որդին՝ 83-

ամյա Էլդար Շենգելաիան, նկարահանել է լայն ճանաչման արժանացած «Երկնագույն սարեր», «Տարօրինակները», «Սամանիշվիլու խորթ մայրը», «Արտասովոր ցուցահանդեսը» եւ այլ կինոնկարներ:

1979 թվականին նա արժանացել էր Վրաստանի ժողովր-



դական արտիստի, իսկ 1988 թվականին՝ ԽՍՀՄ ժողովրդական արտիստի կոչման:

ՖԻՆԱՆՍԵՐ

ՆՈՐ ԹՂԹԱԴՐԱՄՆԵՐԸ` ՇՐՋԱՆԱՌՈՒԹՅԱՆ ՄԵՋ



Նորացված թղթադրամների վրա պահպանվել է սկզբնական թեմատիկան, բայց, միեւնույն ժամանակ դրանց արտաքին տեսքը հարստացված է լրացուցիչ

փոխվել են նաեւ թղթադրամների չափերը. յուրաքանչյուր հաջորդը դարձել է նախորդից ավելի մեծ՝ արժողությանը համապատասխան: Դրամանիշերն ու-

Վրաստանում փետրվարի 1-ից շրջանառության մեջ են դրվել 20, 50 եւ 100 լարի արժողությամբ նոր թղթադրամներ: Դրանք շրջանառության մեջ կլինեն հին մոուլի թղթադրամների հետ հավասարապես: Սա թղթադրամների առաջին զգալի փոփոխությունն է ազգային արժույթի գոյության ավելի քան 20 տարվա ընթացքում:

նեն պաշտպանության ավելի շատ աստիճաններ, ինչպես նաեւ հատուկ նշաններ, որոնք նշում են անվանական գները թույլ տեսնողների համար:

Բացի դրանից, մեծացված է թղթադրամ-

ների կայունությունը կետտոման եւ մաշվելու նկատմամբ: Շրջանառության մեջ գտնվող 5 եւ 10 լարի արժողությամբ թղթադրամներն Ազգային բանկը պլանավորում է նորացնել ավելի ուշ:

ՖՈՒՏԲՈԼ

ԴԻՐՔԵՐԸ ՄՆԱՑԻՆ ԳՐԵԹԵ ԱՆՓՈՓՈՒՄ

Ֆուտբոլի միջազգային ֆեդերացիան (ՖԻՖԱ) հրապարակեց ազգային հավաքականների վարկանիշային հերթական աղյուսակը:

Նոր աղյուսակում Վրաստանի հավաքականը պահպանեց իր դիրքերը եւ 286 միավորով մնաց 120-րդ տեղում: Կրկին նահանջ գրանցեց Հայաստանի հավաքականը: Նախորդի համեմատությամբ նահանջելով 2 աստիճանով՝ Հայաստանի թի-

մը 285 միավորով հանգրվանեց 123-րդ տեղում:

Աղյուսակը գլխավորում է Բելգիայի հավաքականը՝ 1494 միավորով: Երկրորդ եւ երրորդ տեղերում Արգենտինայի եւ Իսպանիայի հավաքականներն են, համապատասխանաբար՝ 1455 եւ



1347 միավորով: Լավագույն տասնյակում տեղ են զբաղեցրել նաեւ Գերմանիայի, Չիլիի, Բրազիլիայի, Պորտուգալիայի, Կոլումբիայի, Անգլիայի եւ Ավստրիայի հավաքականները:

ԽԱՆՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Թբիլիսիի ... Ջավախիշվիլու անվան համալսարան: 6.Մուրացանի վեպի հերոս ... Ամրան: 10.Քաղաք Հայաստանի Շիրակի մարզում: 11.Ղազախստանի մայրաքաղաքը: 14.Արժեքավոր ...: 15.«Ասք ...ի գնդի մասին»: 16.Հայոց աստվածուհի, Արամազդի երկրորդ դուստրը: 19.Ներկա է, կա, գոյություն ունի: 20.«Այստեղ» բառը գրաբարում: 22.Մակերեսի չափման միավոր: 23.«...ի բոյը չինար է» (ժող. երգ): 26.Երկերեսանի, բծնող: 28.Խոհանոցային պարագա: 29.7-րդ դարում: 30.Լոս Անջելեսի հայտնի լրագրողուհի Վոգելը: 31.Պարոնը լեհերեն: 33.Հոկի.Թունանյանի հեքիաթի հերոս: 34.Իջևանի գյուղերից: 36.Հնդկական ուտեստ (ճաշատեսակ): 38.Խաղալիք Կոստան-...: 39.Մտավորական ...: 42.Չէ-ի հակառակը: 44.Նար-Դոսի «Ես եւ ...» վիպակը: 46.Հերոսուհի մույն գրողի «Սպանված աղավնին» վիպակում: 47.Շվեյցարիայի «սիրտը»: 48.Ամենամեծ մայրցամաքը: 49.՝առու, ...ակալ: 51.Միլանի հայտնի օպերան Լա ...: 53.Ռադիոհաղորդավար ... Հալաշյան: 55.Հեռուստալրագրող Գլունովը: 56.Հայկական ծխախոտ ... բերդ: 58.Թբիլիսիի խոջիվանքում թաղված մեծ վիպասանը:

ՈՐԴԱՄԱՅՆՈՒՄ. 2.Գաճաճ պետություն պետության մեջ: 3.Վրաստանում քրիստոնեությունը տարածած կույսը: 4.Օլիմպիական չեմպիոն, բռնցքամարտիկ Մունջանը: 5.Շչի փականը: 7.Մերձբալթյան պետություն: 8.Կախարդ, վիուկ: 9.Երեսանի Նորք ... վարչական շրջան: 12.Քաղաք եւ շաքարի գործարան Վրաստանում: 13.Ռուս մեծ գրող Ա.Պուշկինի դայակը: 17.Հայ գրող Մովսես ...: 18.Լծկան անասուն: 21.Քաղաք Հայաստանում: 24.՝ուղե, ... Բատոր: 25.Մաշտոցյան այբուբենի երկրորդ տառը: 26.Տառ, որի արժեքը 3,14 է: 27.Քաղաք Հայաստանի Սյունիքի մարզում: 28.Շատ վաղ, առավոտ ծեփին: 29.Քաղաք Արեւմտյան Հայաստանում: 32.Հայ աղջկա տարածված անուն Թեհրանում: 35.Բարձր, վսեմ: 36.Հայոց այբուբենի ջե-ից հետոյի տառը: 37.Իմաստագուր, իմաստ չունեցող: 40.Տակ-ի հականիշը: 41.Բնությանը նպաստող: 43.Մեծանուն կոմպոզիտոր ... Բաբաջանյան: 45.Քանդված, ավերված: 46.Րաֆֆու վեպերից: 47.Բենարվեստի տեսակ: 50.Հացը դրանից է թխվում: 52.Քաղաք Ֆրանսիայում: 54.Շամիրամի սե-րը: 57.Մեսրոպյան այբուբենի վերջին տառերից:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 3.Հանելուկ: 9.Նանի: 10.Դիեզ: 11.Տեղոր: 12.Եղիշե: 13.Սակր: 15.Նուշ: 17.Կրիպտոն: 19.Հարիս: 21.Ամպրոպ: 24.Ֆալես: 26.Տաճար: 27.Քութեշ: 28.Արոպուլիս: 29.Կավալ: 31.Վիշապ: 33.Դինար: 34.Մալագա: 36.Ֆլորին: 37.Սաքսաուկ: 40.Առած: 43.Էմին: 45.Մելիք: 46.Շիմել: 47.Օսլա: 48.Բզիքի: 49.Սեմինար: **ՈՐԴԱՄԱՅՆՈՒՄ.** 1.Ռաճա: 2.Լիտր: 3.Հեռակա: 4.Ներգի: 5.Լաերո: 6.Կրիշնա: 7.Աղեն: 8.Ջերու: 14.Կարիճ: 16.Մարութ: 18.Պելոպոնես: 19.«Հատակում»: 20.Սորատեզ: 22.Մաքսվել: 23.Պաշտպան: 24.Ֆարադ: 25.Սալոր: 30.Վիլլա: 32.Շերան: 35.Ասուլիս: 36.Ֆլանդր: 38.Քրքում: 39.Արշին: 41.Ռասա: 42.Ծմակ: 43.Էլրա: 44.Իմիր:

Խմբագիր՝
ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105
Գ.Աթոնելի փ. 5 հեռ. 2990-739, 2990-774
www.vrastan.ge
E-mail: vrastan@caucasus.net

Գրանցման վկայական
№ 4 4 - 1439
«ԿՈԼՈՐ» հրատարակչություն

“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445